



Broj: 05/2-11/3-1093-2/23
Velika Kladuša, 05.07.2023. godine

Na osnovu člana 70. i člana 69. („Službeni glasnik BiH“, broj: 39/14 i 59/22), člana 5. i 8. Pravilnika o uspostavljanju i radu komisije za nabavke („Službeni glasnik BiH“, broj: 103/14) i člana 43. Statuta Općine Velika Kladuša („Službeni glasnik Općine Velika Kladuša“, broj: 12/11), u predmetu konkurentskog zahtjeva za nabavku usluga osiguranja zaposlenih lica, vozila i imovine Općine Velika Kladuša za 2023. godinu (3 lota), a po preporuci Komisije za javne nabavke, Općinski načelnik Općine Velika Kladuša, donio je

ODLUKU

o dodjeli ugovora za LOT 2 – Nabavka usluge osiguranja vozila Općine Velika Kladuša za 2023. godinu

1. Prihvata se ponuda ponuđača Sarajevo - osiguranje d.d. Sarajevo, sa konačnom cijenom od 4.127,00 KM bez PDV-a, dostavljena Ugovornom organu po JN broj: 299-7-2-6-3-6/23 od 12.06.2023. godine, te se Ugovor o javnoj nabavci usluge osiguranja vozila Općine Velika Kladuša za 2023. godinu, dodjeljuje imenovanom ponuđaču.
2. Po pravosnažnosti ove Odluke, Ugovorni organ će pozvati izabranog ponuđača radi zaključenja Ugovora koji reguliše međusobna prava i obaveze vezane za predmetnu nabavku shodno zahtjevima Ugovornog organa navedenim u tenderskoj dokumentaciji i propisima koji regulišu postupke ugovaranja.
3. Ova Odluka objavit će se na službenoj web stranici Općine Velika Kladuša, u skladu sa članom 70. Zakona o javnim nabavkama BiH („Službeni glasnik BiH“, broj: 39/14 i 59/22).

Obrazloženje

Na osnovu Plana javnih nabavki Općine Velika Kladuša za 2023. godinu, broj: 05/2-11/3-796/23 od 25.04.2023. godine, pokretnut je dana 09.06.2023. godine postupak javne nabavke usluga osiguranja zaposlenih lica, vozila i imovine Općine Velika Kladuša za 2023. godinu (3 lota).

Javna nabavka provedena je putem konkurentskog zahtjeva za dostavljanje ponuda, a kao kriterij za dodjelu ugovora odabrana je najniža cijena tehnički zadovoljavajuće ponude. U skladu sa članom 35. Zakona o javnim nabavkama BiH („Službeni glasnik BiH“, broj: 39/14 i 59/22) Obavještenje o javnoj nabavci broj: 299-7-2-6-3-6/23 objavljeno je na Portalu javnim nabavki (ejn.gov.ba), dana 12.06.2023. godine.

Krajnji rok za dostavljanje ponuda bio je 23.06.2023. godine do 12:00 sati, a javno otvaranje ponuda izvršeno je 23.06.2023. godine u 12:15 sati, što je kostatovano Zapisnikom sa otvaranja ponuda od 23.06.2023. godine.

Komisija za javne nabavke u Zapisniku o pregledu i ocjeni ponuda broj: 05/2-11/3-1093/23 od 23.06.2023. godine konstatovala je da je Tendersku dokumentaciju preuzelo 8 (osam) ponuđača, a da su nakon isteka krajnjeg roka za dostavljanje ponuda za LOT 2 – Nabavka usluge osiguranja vozila Općine Velika Kladuša za 2023. godinu, pristigle 3 (tri) ponude od strane ponuđača, i to:

1. Sarajevo – osiguranje d.d. Sarajevo, sa ponuđenom cijenom od 4.127,00 KM bez PDV-a.
2. D.D. za osiguranje „Camelija“ Bihac, sa ponuđenom cijenom od 4.480,00 Km bez PDV-a i
3. ASA Central osiguranje d.d. Sarajevo, sa ponuđenom cijenom od 5295,40 KM bez PDV-a.

Nakon izvršenog otvaranja ponude Komisija je pristupila analizi dokumentacije priložene uz ponude u smislu njihove validnosti, obzirom na iskazane zahtjeve Ugovornog organa u Tenderskoj dokumentaciji, odnosno vrednovanju ponuda, a u skladu sa procedurama i pravilima utvrđenim Tenderskom dokumentacijom i Zakonom o javnim nabavkama BiH, odnosno pripadajućim podzakonskim aktima.

Analizom dokumentacije dostavljene uz ponude Komisija je utvrdila da ponude svih ponuđača ispunjavaju formalno-pravne i tehničke zahtjeve Ugovornog organa, te su kao takve prihvatljive i mogu biti predmet vrednovanja u sistemu

e-aukcije. E-aukcija koja je predviđena u ovom postupku nabavke zakazana je za 30.06.2023. godine. Uvidom u Izvještaj o toku i završetku e-aukcije od 30.06.2023. godine utvrđeno je da za vrijeme trajanja iste nije bilo podnošenja ponuda, te da je konačna rang lista ponuđača slijedeća:

1. Sarajevo – osiguranje d.d. Sarajevo, sa konačnom cijenom od 4.127,00 KM bez PDV-a.
2. D.D. za osiguranje „Camelija“ Bihać, sa konačnom cijenom od 4.480,00 KM bez PDV-a i
3. ASA Central osiguranje d.d. Sarajevo, sa konačnom cijenom od 5295,40 KM bez PDV-a.

Komisija je u svom Izvještaju o radu Komisije nakon provedene e-aukcije od 03.07.2023. godine dala preporuku Općinskom načelniku Općine Velika Kladuša da se ugovor za nabavku usluge osiguranja vozila Općine Velika Kladuša za 2023. godinu (LOT 2) dodijeli ponuđaču Sarajevo – osiguranje d.d. Sarajevo, odnosno da da saglasnost na Izvještaj radi provođenja daljnjih aktivnosti na realizaciji postupka nabavke u skladu sa odredbama Zakona i općih akata.

Cijeneći navedeno, na osnovu odredaba Zakona o javnim nabavkama BiH, odlučeno je kao u dispozitivu Rješenja.

UPUTA O PRAVNOM LIJEKU: Svaki ponuđač koji ima legitiman interes za konkretan Ugovor o javnoj nabavci i koji smatra da je Ugovorni organ u toku konkretnog postupka dodjele ugovora prekršio jednu ili više odredbi Zakona o javnoj nabavci BiH ima pravo uložiti žalbu u roku od 5 (pet) dana od dana kada je primio Odluku, odnosno Obavještenje o dodjeli Ugovora. Žalba se podnosi Ugovornom organu, kao prvostepenoj instanci u žalbenom postupku, u tri primjerka direktnom predajom kod Ugovornog organa ili preporučenom poštanskom pošiljkom.

Obrađivač:
Ferkić-Hušidić Adnana

Kontrolisao:
Dervić Melkić Sebila

OPĆINSKI NAČELNIK
Fikret Abdić, dipl.ing.

DOSTAVITI:

1. Učesnicima u postupku, 3x,
2. Služba za upravu, društvene djelatnosti i zajedničke poslove (web stranica),
3. U spis,
4. a/a.

